



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 7

Yangia anidakangma :

f Tir Yimiyim

Instagram tiryimiyim@aolima

YouTube tir yimiyim

TAPAK 8

Aluyimertem den sensaksemtsü sorkari mulunga lir: Tomar

Mali interim president Assimi dak kotari agi atsüngtsü merang



VOL. XVIII NO. 277 (ADOK 277) DIMAPUR RASEMNÜ (WEDNESDAY) CHITENI (JULY) 21, 2021 ₹ 5.00

NAGALAND BOARD OF SCHOOL EDUCATION, KOHIMA HIGH SCHOOL LEAVING CERTIFICATE EXAMINATION, 2021 HSLC 2021 tatidang nung tematiba jenjang 20 nung takok angurtem tarensen:

POSITION	NAME OF CANDIDATE AND SCHOOL	ROLL NO.	TOTAL MARKS	WAE & PERCENTAGE
1	KENEINO THORIE Trinity School, Kohima	211107198	591	A A 98.50%
2	ASEWE LETRO Mezhür Hr.Sec.School, Kohima	211105027	589	A A 98.17%
3	(a) TALINUNGSANG IMCHEN Queen Mary Hr.Sec.School, Mokokchung	211201186	587	A A 97.83%
	(b) YIMYATETLA LONGKUMER Holy Cross Hr.Sec.School, Dimapur	211803200	587	A A 97.83%
	(c) NARSEN NGULLIE Little Flower Hr.Sec.School, Kohima	211113074	587	A A 97.83%
4	(a) AMISHA KUMARI Don Bosco Hr.Sec.School, Dimapur	211808073	586	A A 97.67%
	(b) EMIL MONCY OOMMEN Little Star Hr.Sec.School, Dimapur	211811091	586	A A 97.67%
	(c) ABHIJEET KUMAR DAS Ram Janaki Hr.Sec.School, Dimapur	211816001	586	A A 97.67%
	(d) YANGERTEMJEN Saint Savio School, Chumukedima	211834113	586	A A 97.67%
5	SANJANA KESHARI S.D.Jain Hr.Sec.School, Dimapur	211810063	586	A B 97.67%
6	(a) PAMNUNG ZIMIK Vidhya Bhawan Hr.sec. School, Dimapur	211804131	585	A A 97.50%
	(b) BWEHI KEMP Stella Hr.Sec.School, Kohima	211107130	585	A A 97.50%
	(c) MINA CHETRI Green Valley School, Mon	211405164	585	A A 97.50%
	(d) PRACHI DAS Pranab Vidyapith Hr.Sec.School, Dimapur	211814088	585	A A 97.50%
	(e) ZAHID AHMED LASKAR Christian Hr.Sec.School, Dimapur	211825097	585	A A 97.50%
7	(a) DIYA SHRESTHA Mezhür Hr.Sec.School, Kohima	211105098	584	A A 97.33%
	(b) ANKITA PAUL St.Paul Hr.Sec.School, Dimapur	211812070	584	A A 97.33%
8	(a) AWANG P YIMPUSHÜ Mezhür Hr.Sec.School, Kohima	211105028	583	A A 97.17%
	(b) ESTHER L EZUNG Mezhür Hr.Sec.School, Kohima	211105101	583	A A 97.17%
	(c) VIBELI K ACHUMI Fernwood School, Kohima	211106070	583	A A 97.17%
	(d) ARMUND CHINGTHAM Chandmari Hr.Sec.School, Kohima	211110068	583	A A 97.17%
	(e) SACHIN KUMAR SINGH Ram Janaki Hr.Sec.School, Dimapur	211816036	583	A A 97.17%
	(f) IMLITULA PONGENER St.Joseph's Hr.Sec.School, Chumukedima	211836112	583	A A 97.17%
9	(a) PALAK AGARWAL St.Mary's Hr.Sec.School, Dimapur	211803238	582	A A 97.00%
	(b) TIAMAONG AIER Don Bosco Hr.Sec.School, Dimapur	211808062	582	A A 97.00%
	(c) NONYA KONYAK Little Star Hr.Sec.School, Dimapur	211811121	582	A A 97.00%
	(d) ADENO GWIRIE Baptist Mission School, Jotsoma	211121090	582	A A 97.00%
10	(a) BOVE NEO KAPFO Mezhür Hr.Sec.School, Kohima	211105029	581	A A 96.83%
	(b) NIKO-O Z KEVEKHA Mezhür Hr.Sec.School, Kohima	211105133	581	A A 96.83%
	(c) SULI SANGTAM St.John's School Kohima	211106185	581	A A 96.83%
	(d) LONGTILA JAMIR Model Hr.Sec.School, Kohima	211107103	581	A A 96.83%
	(e) TALISANGLA LONGKUMER St.John Hr.Sec.Residential School, Dimapur	211812054	581	A A 96.83%
	(f) YINGKHAO St.John's Hr.Sec.School, Mon	211406130	581	A A 96.83%

(Maneni tapak 2 nung...)

HSLC 2021: Takok angur 69.42% rongnung tetsürtem teimba

HSSLC Exam 2021: Arts - 69.37%, Commerce - 74.39% aser Science - 91.35%

Kohima, July 20, 2021 (TYO): Nagaland Board of School Education (NBSE)-i Mongulbarnü Class 10 (High School Leaving Certificate-HSLC) aser Class 12 (Higher Secondary School Leaving Certificate-HSSLC) examinations 2021 indang results metetdaksüogo.

"Taküm April ita COVID-19 SOPs sülen anidaka tatidangtem agi. Ajistiaka, iba mapang kaketshir kar dak COVID putetba ajanga June 22 nungi 25 tashi parnoki subject magütsüba asoshi tatidang agishia liasü aser results tanü adoker" ta NBSE chairperson, Asano Sekhose-i ashi.

Taküm Class 10 (HSLC) examination nung takok angurji 69.42% lir aser ibaji kaketshir 23,608 nungi 16,388 ajanga takok angu.

angutsü. Iba ya NBSE Award Rs 25,000 aser Governor's Award Rs 25,000 lir.

HSLC tatidang nung tetsür kaketshirtemi takok tajungba nguogo. Taküm tetsür 8719 aser tebur 7669-i takok angu. Tematiba 20 nung kaketshir 82 lir aser parnok rongnung tetsür 58 aser tebur 24 lir.

Taküm school 120 nung tatidang agütsür kaketshir ajaki (cent percent pass percentage) takok nguogo. Iba nung nija school 95 aser sorkar school 25 lir.

Taküm HSLC nung school 23 nung zero pass percentage lir aser school ajakji sorkar school tem dang lir, ta NBSE Chairperson-i ashi.

Sorkar school tem district shia asadanga Mokokchung district

2464.

Arts stream nung reju 5, Science stream nung reju 7 aser Commerce stream nung reju 3 ajanga 100 percent pass result ngutetogo.

Science stream nung takok angurji 91.35% lir aser ibaji kaketshir 2,464 nungi 2,250 ajanga takok angu.

Little Star HSS, Dimapur nungi Ohiduz Zaman-i Science stream nung tematiba jenjang (96%) nung takok angu.

Commerce stream nung kaketshir 1,347 nungi 1002-i takok angu aser pass percentage 74.39% lir.

Commerce stream nung Pranab Vidyapith HSS, Dimapur nungi Pallavi Kumari Singh-i tematiba jenjang (98.40%) nung takok angu.

Arts stream nung kaketshir 13,024 nungi 9,035-i dang takok angu aser pass percentage 69.37% lir.

Arts stream nung St. Paul HSS, Dimapur nungi Imlisungla Pongen-i 96.80% nguteta tematiba jenjang nung takok angu.

HSSLC Examination 2021 Arts stream nung sorkar secondary school nungi kaketshir 3 merit list nung dena lir.

Government HSS, Jotsoma nungi kaketshir ana- Nukho Keyho-i 92.40% aser Nithosano Nagi-i 91% aser Rüzühkhrise GHSS, Kohima nungi Jinenle Wanth-i 90.40% nguteta liasü.

Sorkar school 25-i 100% aser 23-i nil result angu

HSLC nung tematiba menden (98.50%) nungi takok angurji Trinity School, Kohima nungi Keneino Thorie lir.

Tanabuba menden (98.17%) nung Mezhür Higher Secondary School (HSS), Kohima nungi Asewe Letro-i takok angu.

Iba sülen tasembuba menden (97.83%) nung kaketshir asem-Queen Mary HSS, Mokokchung nungi Talinungsang Imchen, Holy Cross HSS, Dimapur nungi Yimyatetla Longkumer aser Little Flower HSS, Kohima nungi Narsen Ngullie nungertemi takok nguogo.

HSLC topper Thorie-i Rs 50,000

tajungtiba lir. Mokokchung nung 64% lir aser iba sülen Peren o Phek district tem nung 60% lir. Sorkar school tem jenjang tamajungtibaji Kiphire (10%) lir, ta laisa ashi.

Nija school tem rongnung Noklak district (95%) tajungtiba lir aser parnok sülen Mokokchung (91%) lir, ta Asano Sekhose-isa metetdaksü.

HSSLC nung kaketshir ajak agi 16,835 liasü. Parnokji Arts: 13024, Commerce: 1347, aser Science:

HSS, Dimapur nungi Imlisungla Pongen-i 96.80% nguteta tematiba jenjang nung takok angu.

HSSLC Examination 2021 Arts stream nung sorkar secondary school nungi kaketshir 3 merit list nung dena lir.

Government HSS, Jotsoma nungi kaketshir ana- Nukho Keyho-i 92.40% aser Nithosano Nagi-i 91% aser Rüzühkhrise GHSS, Kohima nungi Jinenle Wanth-i 90.40% nguteta liasü.

COVID-19 Nagaland: 94 dak putet, 72 taneptsü angu aser 2 asü

Kohima, July 20, 2021 (TYO): Mongulbarnü Nagaland nung nisung 94 dak COVID-19 puteta nisung ajak agi 26,838 kümogo. Külen, tanü COVID-19 puteta alir nisung 2 asüba züngsema tasür ajak agi 532 kümogo.

"Tanü nisung 94 dak COVID-19 putet. Parnokji Dimapur nung 43, Kohima nung 34, Mokokchung nung 7, Wokha nung 4, Longleng nung 2 aser Mon, Phek, Tuensang o Zunheboto nung kaka (1) lir" ta Integrated Disease Surveillance Project atema State Nodal Officer, Dr Nyanthung Kikon-i metetdaksü.

"Tanü COVID-19 puteta alir

nisung 72 taneptsü angu. Parnokji Mokokchung nung 26, Kohima nung 21, Dimapur nung 17, Longleng nung 4, Mon nung 3 aser Peren nung 1 lir. Parnok züngsema nisung ajak agi 24,393 kümogo" ta paisa ashi.

Nagaland nung COVID-19 nungi taneptsü angurji 90.88% lir aser tang nisung 1,160 anepaludar, ta paisa ashi.

Mongulbarnü Dimapur nung COVID-19 puteta alir nisung 2 asüba züngsema tasür ajak agi 532 kümogo, saka nisung 14 bo tanga tashidak ajanga asü, ta Dr Kikon-isa ashi.

"Hombar tashi nung nisung

5,65,055 nem COVID-19 vaccine indang dose 6,86,818 agütsüogo" ta State Immunization Officer, Dr Ritu Thurr-i ashi.

"Vaccine agirtemji frontline workers 60,524, healthcare workers 15,922, arishi küm 45 ser temapur 1,74,573 aser arishi küm 18 nungi 44 tsüngda alir 3,14,036 lir" ta paisa ashi.

"Vaccine agirtem rongnungi nisung 1,21,763-i dose anaprong agiogo. Parnokji frontline workers 35,398, healthcare workers 11,714, arishi küm 45 nungi temapur 74,475 aser arishi küm 18 nungi 44 tsüngda alir 176 lir" ta Dr Thurr-isa ashi.

PDA sorkari kaketshirtem atema mebilemetsür

Dimapur, July 20, 2021 (TYO): Nagaland state sorkari par mapa inyaktertem nem itasen magütsütsü ta amokmerenba mapangkanung ano "Partial lifting of appointments" ta ser sangdong ka agütsüba ajanga PDA sorkari tim masüba mapa tulu inyakba sayur, ta Rising People's Party

(RPP)-i metetdaksü.

Nagaland sorkar indang department 76 nem mapa 1517 atema 'departmental exams' agitsü tashi agütsüba ka kangasa mebiledangi lemtetba lir, ta RPP-isa ashi.

July 19, 2021 nü Chief Minister's Meritorious Students'

Fellowship indang sentong nung Chief Minister-i Education department dang kaketshirtem tajungtiba nung anitetsü ayongzüka saka sorkari kaketshirtem yaritsü melena back-door appointments yarir, ta RPP-isa ashi.

(Maneni tapak 2 nung...)

Tir Yimiyim

Covid-19 tashidak nokdangtsü atema senso shia teinyaktsü asem :

Tangar alidak teti teni tebang nembanga mask temerük agiang;

Tangar den tsüktepa tenokdak aser temen;

Teti sapon agi teka metsükang.

NHIDCL inyakyim nung temolung masür: CYO



Dimapur, Chiteni/July 20 (TYO): National Highways and Infrastructure Development Corporation Limited (NHIDCL) ajanga Dimapur nungi Kohima tashi 4-lane lenmang yangluba nung temolung masü aser tezü atangba sangdong ka Chakhroma Youth Organisation ajanga sangdonga liasü.

Lendong-tsudong nungi kumzüka alitsü asoshi mera magiba, mapa kanga nüshia inyakba aser junga meinyakba atema ketdangsür dang aiben lensatepogo, kechiaser item yimya yagi Nagaland nung aliba nübürtem dang jangrabangra maliba sayur, ta sangdong ajanga ashi.

Iba lenmang nung ali takang

masüba ya kanga junga meteta lir, aser NHIDCL nungi engineer tajungtiba aser mongintemi lenmang yanglu metenzükdang kanga junga asadanga liasü, anungji parnoki ali indang kanga junga meteta lir, ajisüaka parnoki süoki ia magizüki ayongkum, talisa Chathe apu nungi New Chümoukedima tashi nung ali nungtena lenmang ulushi, ta Chakhroma Youth Organisation ajanga ashi.

Ayong ya lenmang anah nung ayimer asünung lenmang ajungtsü atema ali tasen onzüka yanglutsü nungdaka liasü, saka ali kanga ajema onzük aser lenmang ulushiba nung ali ang nangdenba ajanga tzünglu

mezüing aruba mapang lenmang tuluba nungzüka bener oa tera anüngba nung nübürtem senzüsü lendong ka kumdaktsür, ta ashi.

Anungji iba maparen ketdangsür aser sorkari iba inyakyim kanga süoki ia agizüka National Highway yangluba mapang nungdakbatem ajak amshia yangludaktsüsü ayongzüker, ta sangdong ajanga ashi.

Nübürtemi aiben mepishiba ola mangashi yutsüra, Chakhroma Youth Organisation ajanga democratic yimya nung tapet mera agitsü aser iba mapang timtem kar danga ajurura ibaji NHIDCL aser ECI khuret asüsü, ta sangdong ajanga ashi.

Tim masüba mapa inyakba atema Mokokchung nung ken o ka benoka lir

Dimapur, Chiteni/July 20 (TYO): Mokokchung kübok Alichen nung alir Washimenla ajanga July 19, 2021 nü Women Police Station Mokokchung nung FIR (First Information Report) ka benoka liasü.

FIR benoklai ashiba agi, July 18, 2021 nikongdang 5:30 ako nungi 6:00 ako tsüngta Longkhum kübok Shirenya lemjem nung aliba 'farm house'

tezülen la den lar medemertem gari ka telung nung lia mejangjaba nisung telok ka süng amer gari alidaki aru. Lar medemer ka gari nungi temai adok aser idangji aoksa mejangjaba nisungtem yagi kuli kecha magütsüi züka merenshi.

Tensa mejungi akumba aziüoktsü atema la gari nungi alu, saka mejangjaba nisung rongnung kati tesülen nungi la

dak tim masüba mapa inyak, aser la teyari meshia ola adokba mapang ano nisung kati la tenipong (check) abelen atsüng aser lai kecha memeteti süchia ao. Iba mapang la medemertema züka merenshia liasü, ta lai FIR nung ashi.

Iba dak sendakba nung ken o ka Women Police Station Mokokchung nung benoka lir, ta sangdong ka ajanga ashi.

Muslim Council Dimapur ajanga metetdaksür

Dimapur, Chiteni/July 20 (TYO): Nagaland nung aliba nübür ajak dangi Idd Ul-Zuha benjong salem abener, koba July 21, 2021 amunger, ta Muslim Council Dimapur ajanga sangdong ka nung ashi.

Muslim Council Dimapur indang working president, A. Rahman-i sangdong ka nung Muslim nunger ajak dang Prayer House balala nung 'Namaz'

agiba mapang Nagaland sorkari sangdonga aliba COVID-19 meratem shidak amshitsü aser Nagaland nung aliba nübür ajanga asoshi sarasademtsüsü ayongzüka liasü.

Muslim Council Dimapur ajanga Masjid ketdangsüba committee ajak dang Idd sarasadem mapang COVID-19 indang SOP tem züngzünga amshitsü aser sarasademtsü

atema telok balala lemsar mapang balala agütsüsü aser Mosque telung nung 'Namaz' agitsü atema COVID-19 mozü agir aliba teburtem dang melatsü ashi.

Ibai shiruru bendanga agütsüba benjong ka asünung, Muslim nunger ajungai dangartem temolung meyirutsüsüsa kanga kumdanga benjong amungtsü ayongzüka liasü.

EAC Kiphire den tepila sentong agi

Dimapur, Chiteni/July 20 (TYO): Kiphire district administration ajanga EAC, Imlijungla Lemtur nem akum agüja tepila sentong ka July 20, 2021 nü DPDB indang Conference Hall, Kiphire nung ayongzüka agia liasü.

Iba sentong nung Deputy Commissioner, Kiphire, T. Wati Aier-i jembiba mapang, EAC Imlijungla Lemtur ya meranga inyakba ketdangsür lanur ka, shibai la nem nungloktsüba

maparen temolung nung nendaka aser bendanga agütsür inyak, ta ashi.

EAC, Imlijungla Lemtur-ia Kiphire ya la asoshi posting mezüingbuba liasü aser yangji tajangshiba jenti angazükogo, ta ashi.

Lai Kiphire nung EAC ka ama inyakba mapang ajangshibatem lemsatepdang, lai DBs tem densema staff ajak den külemi inyaka aru, ta ashi aser Kiphire nung aliba nübürtemi la

den lenmang balala nung yaritepba atema pelaba lemsatepa liasü.

Iba sentong nung ministerial staff tenüng nung Hd. DB (Sadar) and HA, Zisepe ajanga o tatsüka jembi aser District Coordinator, MSK, Albert Jinger-i temeja ken ka aten. Iba sentong nung EAC, Chubamongla Kichu menden liasü aser ADC, Rahul Mali, IAS ajanga tepela ankep o jembi liasü.

PDA sorkari kaketshirtem atema...

(TAPAK 1 NUNGI...)

"April 22, 2020 nungi tenzükür küm ka atema age relaxation asüsü indang sorkari sangdong nung ashi saka iba ajanga kaketshir ka danga majangzüktsü kechiyong 2020 nungi tatidang indang sangdong kecha mali. Shitakba agibo sangdong agütsüba anogo- July

16, 2021 nungi age relaxation tenzüktsüla aser ibaji tatidang agiba nungi result madok tashi atema asüsüla" ta RPP sangdong nung metetdaksü.

"RPP-i kaketshir atema noktaker aser mapa tazüing 1517 alibaji NPSC aser NSSB kübok dendaktsüsüla. NSSB kübok

tatidang magiba atema kuli kecha mali aser sorkari kaketshirtem ashioktsür. 'Unity Government of Nagaland' ta ajaba sorkari asen kaketshirtem atema mebilemstür" ta RPP Vice-President Dr. Abeny Khuvung aser President Zhokhoi Chuzo nati sangdong nung ashi.

(Tapak 1 nungi...)

(g) ZAVE-U LASUH	211502059 581 AA 96.83%
Royal Foundation School, Phek Town	
(h) WONCHILLO T KHUVUNG	211604117 581 AA 96.83%
Don Bosco Hr.Sec.School, Wokha	
11 (a) THROGLILA RENGMA	211305090 580 AA 96.67%
St. John's Hr.Sec.School, Tuensang	
(b) MOANOLA LONGCHAR	211203133 580 AA 96.67%
Town Hr.Sec.School, Mokokchung	
(c) ELINA YASMIN	211803121 580 AA 96.67%
Holy Cross Hr.Sec.School, Dimapur	
(d) LIMATONGZUK LONGKUMER	211205121 580 AA 96.67%
Straightway Hr. Sec. School, Mokokchung	
(e) NOZI EPAO	211107140 580 AA 96.67%
Stella Hr.Sec.School, Kohima	
(f) RUFSA NA BEGUM	211107148 580 AA 96.67%
Stella Hr.Sec.School, Kohima	
(g) KAMRIA KHANAM CHOUDHURY	211810043 580 AA 96.67%
S.D.Jain Hr.Sec.School, Dimapur	
(h) SENTIENLA YADEN	211113268 580 AA 96.67%
The Vineyard School, Kohima	
12 (a) IZINLUNG KAURING	211102062 579 AA 96.50%
Northfield, Khikha	
(b) THEJAKHRIENO IRALU	211102122 579 AA 96.50%
Northfield, Khikha	
(c) MONGDIKOKBA WALLING	211106027 579 AA 96.50%
Fernwood School, Kohima	
(d) AOTUSHI IMSONG	211107003 579 AA 96.50%
Ministers' Hill Baptist Hr.Sec.School, Kohima	
(e) OCHIEN	211812048 579 AA 96.50%
St. John Hr.Sec. Residential School, Dimapur	
(f) SEDEVII NAGI	211823093 579 AA 96.50%
Greenwood School, Dimapur	
(g) LAKSHMI KUMAR	211835118 579 AA 96.50%
North Town Hr.Sec.School, Chumukedima	
13 (a) HANGLENCHILA Y CHANG	211305056 578 AA 96.33%
St. John's Hr.Sec.School, Tuensang	
(b) SUMIT KUMAR	211810023 578 AA 96.33%
S.D.Jain Hr.Sec.School, Dimapur	
(c) CIA BOSE	211903046 578 AA 96.33%
Saramati View Modern School, Kiphire	
(d) N NIANGMAI KONYAK	211406105 578 AA 96.33%
St. John's Hr.Sec.School, Mon	
14 SHALINI PANDEY	211810064 578 AB 96.33%
S.D.Jain Hr.Sec.School, Dimapur	
15 (a) YASH JAIN	211803098 577 AA 96.17%
Holy Cross Hr.Sec.School, Dimapur	
(b) KUSUM KUMARI SAH	211105119 577 AA 96.17%
Mezhür Hr.Sec.School, Kohima	
(c) ANKIT DUTTA	211804094 577 AA 96.17%
Vidhya Bhawan Hr.sec. School, Dimapur	
(d) JOY MAZUMDER	211810009 577 AA 96.17%
S.D.Jain Hr.Sec.School, Dimapur	
16 (a) NOUNESENUO TSEIKHA	211102194 576 AA 96.00%
Mewi Hr. Sec. School, Kohima	
(b) PRIYA KUMARI YADAV	211803242 576 AA 96.00%
St. Mary's Hr.Sec.School, Dimapur	
(c) KIMRIDI THAUSEN	211811096 576 AA 96.00%
Little Star Hr.Sec.School, Dimapur	
(d) YASHIJUNGLA	211210067 576 AA 96.00%
Christian Standard Hr.Sec.School, Changtongya	
(e) ILAMGUALE A ZELIANG	211834118 576 AA 96.00%
Saint Savio School, Chumukedima	
17 (a) AMINA BEGUM	211808179 576 AB 96.00%
M.G.M.Hr.Sec.School, Dimapur	
(b) SHONGMETH M KONYAK	211406177 576 AB 96.00%
Sacred Heart School, Mon Town	
18 (a) MD SALMAN HAIDAR	211811153 575 AA 95.83%
El-shaddai Academy, Dimapur	
(b) SAURAV DAS	211822048 575 AA 95.83%
Bethesda Hr.Sec.School, Dimapur	
(c) BAUNENNYUCHONG	211828082 575 AA 95.83%
Christina Memorial Hr.Sec.School, Aoyimti, Dimapur	
19 (a) WANGSHIRENLA	211102130 574 AA 95.67%
Northfield, Khikha	
(b) GAURAV BANIK	211803026 574 AA 95.67%
Holy Cross Hr.Sec.School, Dimapur	
(c) KAVIKALI K ACHUMI	211105109 574 AA 95.67%
Mezhür Hr.Sec.School, Kohima	
(d) PRAGATI RATHEE	211803239 574 AA 95.67%
St. Mary's Hr.Sec.School, Dimapur	
(e) SAILIPSITA RAY	211812143 574 AA 95.67%
St. Paul Hr.Sec.School, Dimapur	
(f) AYUSH DUTTA	211816011 574 AA 95.67%
Ram Janaki Hr.Sec.School, Dimapur	
(g) ROVIRIANO CHÜSI	211823091 574 AA 95.67%
Greenwood School, Dimapur	
20 (a) NOYINGBENI R ODYUO	211804085 573 AA 95.50%
Pilgrim Hr.Secondary, Dimapur	
(b) ANGVULI SWU	211808074 573 AA 95.50%
Don Bosco Hr.Sec.School, Dimapur	
(c) IMLIJUNGBA AIER	211811019 573 AA 95.50%
Little Star Hr.Sec.School, Dimapur	
(d) RILA SANGTAM	211811128 573 AA 95.50%
Little Star Hr.Sec.School, Dimapur	
(e) MANISHA BHATTACHARJEE	211814076 573 AA 95.50%
Pranab Vidyapith Hr.Sec.School, Dimapur	
(f) HONOM JN YANLEM	211828068 573 AA 95.50%
Christina Memorial Hr.Sec.School, Aoyimti, Dimapur	

Dated Kohima the 20th July 2021

Sd/-
Mrs. Asano Sekhose
Chairman

GOVERNMENT OF NAGALAND
DIRECTORATE OF SCHOOL EDUCATION
KOHIMA : NAGALAND

NO.: ED/AEI-23/2021

Kohima, the, 20th July 2021

NOTIFICATION

It is hereby notified for the information of all concerned that New Admissions for Class XI in all the 44 (forty four) Govt. Higher Secondary Schools functioning in the State of Nagaland will commence from 29th July 2021 and the following directives are issued for strict compliance.

1. There will be a single Online Admission Portal for all the GHSSs. Students/Parents shall login into the 'GHSS Admission Portal' through the link given at the department's website <https://education.nagaland.gov.in> and submit applications for schools and streams of their choice.
2. One student can submit application for any number of schools and streams of his/her choice.
3. The portal will be kept open from 23/07/2021 to 06/08/2021 for students/parents to submit applications. Students will have to upload copies of HSLC Admit Card and Mark Sheet.
4. Students/Parents facing difficulties for using the online facility may take assistance of the Common Service Centres functioning under the Department of Information & Technology. Alternatively, they may download the 'Admission Form' from the portal and submit the duly filled in Forms to the respective schools on or before 02/08/2021.
5. In case of acceptance of forms at schools (offline mode), the respective schools shall make submission of the forms along with all required documents (Photograph, Admit Card & Mark Sheet) in the Online Admission Portal before the prescribed last date of submission.
6. Selection of candidates shall be done by the respective schools as per their intake capacity in order of merit.
7. School wise 'List of Selected Candidates' along with 'Waiting List' will be published at the 'GHSS Admission Portal' on 11/08/2021. Details of Admission Fee to be paid will also be made available at the portal.
8. Selected Students shall pay the Admission Fee through online payment mode at the Portal from 11/08/2021 to 17/08/2021. Those facing difficulties for making online payment may pay the Fee at respective schools during the above mentioned period.
9. Allotment of Vacant Seats to candidates from the Waiting List in order of merit will be done on 20/08/2021.
10. Class XI Repeaters need not submit applications. They shall make payment of Admission Fee at respective schools on or before 03/08/2021.
11. Submission of applications at the portal does not guarantee admission. Selection of candidates will be done by the respective schools as per their intake capacity in order of merit.
12. Further details will be made available through the admission portal.

(SHANAVAS C) IAS
Principal Director

Issued by DIPR

Assam DIGP Rounak Ali Hazarika mapa nungi anentsü



Rounak Ali Hazarika (File photo)

Guwahati, July 20, 2021

(Agencies): 2011 nungi Assam nung Deputy Inspector General of Police (DIGP) kati sorkar dang nungi temelaba magii bendangleni aiben aoba atema mapa nungi anentsüogo.

IPS ketdangsür Rounak Ali Hazarika-i sorkar tetuyubatem alema inyakba aser aiben tim mesüi inyakba atema mapa nungi anentsür, ta police otongdar kati ashi.

Hazarika ya 1992 küm Assam Police Service (APS) ta nung inyaksü tenzük. Pa ya Assam police indang Border

Wing nung DIG teinyakdak liasü.

Sorkari telemtetba agiba atema pai kecha ashitsü makok, ta Hazarika-i ashi.

2011 nungi Hazarika-i aiben bendangleni aoba osang angu, ta Home and Political Affairs department-i metetdaksü.

"Hazarika-i APS cadre nung adenba sülen kodanga Assam sorkar Home Department nungi temelaba memeshi" ta parnokisa ashi.

"Assam Governor Jagdish Mukhi-i All India Services (Discipline and Appeal) Rules, 1969 nung ajemdaker Hazarika mapa nungi anenja atar" ta parnokisa ashi.

Hazarika indang headquarters ji Director-General of Police indang office asütsü aser pai Secretary, Home aser Political Affairs Department nungi temelaba magii headquarters toktsür maotsü, ta Home and Political Affairs department-isa metetdaksü.

Dibrugarh nung tetsür doctor dak Covid variant 2 putet

Dibrugarh, July 20, 2021

(Agencies): Assam kübok Dibrugarh district nung doctor ka dak Covid-19 indang tapu ana- 'alpha' aser 'delta' putetogo.

Nisung ka dak Covid indang variant ana putetba ya India nung tang mezüng lir ta mogintemi ashir.

Dibrugarh nung aliba Regional Medical Research Centre (RMRC) nung mongintemi osangbener dang tetsür doctor ya vaccine anaprong agiogo aser dose tanabuba agir ita ka shi lir la dak Covid putet ta ashi.

Tetsür doctor dak shirangba yimya tera lir saka mozü kidang amongtsüsa masü, ta osang ajanga ashi.

"Iba ya India nung mezüngbuba lir. Onoki iba osang renemdar" ta ICMR-RMRC nungi Biswajyoti Barkakoty-i ashi.

Nisung ka dak Covid indang variant ana putetba ya nisung ana nungi menaba asütsü. La kinungbo dak-a 'alpha' variant puteta liasü ta doctor temi ashi.

Nisung ka dak Covid indang variant aliba putetbaji yaküm March ita mezüng Britain nung putet aser iba sülen Brazil nung puteta liasü.

GOVERNMENT OF NAGALAND
DIRECTORATE OF TECHNICAL EDUCATION

☎ 0370-2270409
☎ 0370-2271432

Nagaland : Kohima - 797 004

Dated, Kohima the 19th July, 2021

NOTIFICATION

NO.DTE/SCTE/6/2020-21/In continuation to the earlier notification of this office even number Dated 6th July, 2021, the last date of filled application for undergoing Diploma Engineering Courses in Civil Engineering, Architecture Engineering, Interior Designing, Electrical & Electronics Engineering, Mechanical Engineering, Automobile Engineering, Computer Engineering, Electronics & Communication Engineering, Information Technology, Computer Science & Engineering and Fashion Design & Apparel Production within Nagaland is hereby extended till 31st July, 2021.

Application form and detail information can be downloaded from the Department website at <http://www.dtenagaland.org.in> and submit the filled form at www.sctenagaland@gmail.com. An amount of Rs. 300/- (Rupees Three Hundred) only be deposited in A/C No.40201620520 IFSC Code: SBIN0000214, while submitting the form.

Sd/-
(NUNGSANGMENLA IMCHEN)
Ex-Officio Director.

Issued by DIPR



RINGWORM, ECZEMA
ASER TEMANG
MESAKBA AGI
TIMTEMER ASÜ?

HAO



ZALIM LOTION

Fastest > Trusted > Tested

...By Generations

Medical
store
nungi
aliang

Retailers may also buy online : www.zalimlotion.in ✉ zalimlotion1929@gmail.com



TIR YIMYIM

YIMOBILEM (EDITORIAL)

DIMAPUR RASEMNÜ, CHITENI (JULY) 21, 2021

Joko nübortemang opposition asütsüla !

Tang ajungbenaka Nagaland Legislative Assembly nung opposition telok NPF tatartem ajak NDPP aser BJP teloki aniba People's Democratic Alliance government nung adentsü lemtetbaji tangatsübo osang tajung amai saka inyaka aodang takoksa jenti ajurutsüba mapa ka asütsü. Alima nung yimten yimsüsübaren ajak rongnung yimten nung shilem agitsü jangrartemi yimten telok (political party) tentettsü aser nübortem nem yimsüsür asütsü shimttdaktsütsü ta asüba "Democratic government" yasa tajungba lir. Iba democratic yimten yimsüsübaren nungbo chuba aser yimsüsür kin kidong apia masü saka yimsüsür tatartemji nübortemi mulungba shimtsü aser koba telok nungi nübortemi tatar teimba shimdir, parnok telok jagi yimten anir aotsü aser tanungba telok nungi adokba tatar rogotemji opposition nung amentsü. Aji oda, tatar teimba adokba telok tuluba jagi government kümer yimsü asütsü aser tanungba tatartem jagi government-i nübortem asoshi sentong shitak yanglua senotsü timi amshia terenlok mapa inyaker asü meinyaker ta department shia nung anogo shia government inyakyim repranga anidaktsü. Tanga lima nungbo opposition telok nunga tatartem rongnungi department shia nisung shima reprangdaktsür. Item dangji shitakba masü saka "Shadow cabinet" ya ajar. Aji oda, government nung alir shitakba cabinet purtemiang Shadow cabinet purtem nükenji tetsübuba tsübur, kechiyong Shadow Cabinet purtem jagi department aser ministry shia nung government-i inyakba mapatem nebeta repranga anidaker aser tim masü inyakba angudang metongshitsür. Iba jagi government nung alirtema tali kümdangshidaktsür aser nübortem ajangzüktsüsa mapatem indangindanga inyaktsüsa kümdaktsür. Democratic government topur ajungji aji lir. Ajisüaka, democratic-bo democratic government saka tatar senden nung opposition malibaji government nung alirtemi tim mesüi inyakyonga tai apur mali sademsadema awazüdaktsür, idangji nisung dang asünungji maa ta aibelener alir. Aji oda, nübortem asoshi government nung alirtem dang nungibo opposition nung tashi itta nokdaker tatartem tongtibangba lir. Atangji, Nagaland nung opposition maliba government-ji tang mezüng masü saka küm 20 jakdang Congress teloki yimsü asüba mapanga opposition nung amener shinga mali ajak government nung liasü. Iba sülen NPF teloki yimsü asüba mapanga opposition mali ser tatar senden amenba mapang, kenübo tatar senden (assembly) minute 15 shi amenba otsü Nagaland nung yangluteta lir. Ashi, opposition tesashi aliba tatar senden nungbo, government nung alir yimsüsürtem dang department shia nung inyakba mapatem indang opposition purtemi langzür melangzübo kenshia asüngdang aser aji nübortemi angashia langzüksü ta mapang aser anogo agi meperi tatar sendenji jangratemtsüka amener. Iba ama tatar senden nung tatartemi onük balala nung junga jembitetbatembo ajak asoshi tagitsü küma alima ajaklen tetshir. Aji oda, Nagaland nunga taoba ita nungang opposition NPF teloki Covid tenung nung khen atema mozü ki yanglutsü asoshi kodaser sen crore 30 tashi endoktsü lemtet ta kanga sashia government aija asüngdangba asenoki angashiogo. Iba amaji, government-i inyakba mapatem nung tim masüa ta bilembabo aija anidakba jagi government-i nübortem asoshi terenlok mapatem shitak inyaktsür. Ajisüaka, tangbo Nagaland tatar senden nung opposition mali akümji, tatidang nung tanüker mali ajizüka züludaktsü amai asütsü. Atangji, parnoki ashi ama, Nagaland yimten tebilemstü latettsü asoshi Nagaland nung tatartem ajak shisa-obang ka asütsü nungdaker saka tatar senden nung opposition maliba agi Naga yimten tebilemstü temelaba latettsü ta asübajibo menja aponger atsükshirshir dang lir. Joko, koba südirsüang, mapang tatsükabo Nagaland nung opposition mali ser yimsü asütsü, anungji Nagaland jungdaktsünüra nübortemang opposition kümer government mapatem mittsüla. Shitakbabo, state nung opposition ali mali ta masü saka nübortemi government inyakba mapa ajak nung metetnua aser reprangdangnua asüngdangbolua jajatsüla, iba jagi dang ketdangsertemia nübortem nüken tsübua mapatem shitak inyaktsü aser nübortemsa ajangzüksü.

OLEMSABANG

AROK AJUNGTSÜ BILEMBA

~ I.Meyionen Jamir

(Yashi adok nungi...)

Tanü asen Naga lima talisa asen kin tia kodang medemdanga reprangdangtir kanga dang temolung ashitsüka kümogo. Asenoki kanga mera keta bilemba Land of Pioneers to joko kanga teküpok tiai luogo ta bilemer. Joko lenir, samanir masü saka tanidaker kin ka dang kümogo. Tazüngbo züngteper saka temerang, tezüngkang ka maliba agi tangar memeneper, oshi oyim nung tangar madoksar, libaliru nung taküm litettsüsa kecha mapa meinyakteter (life skills). Asenok kanga ashiba ya takidak mali asü na ta khenkhenbo bilemer. Ashiba dang nungi inyaktetba ishiba ama ajiteter. Tebang tali asüba agi mapa ajem asü ta bilemdanger. Mokochung district nung leman kar yanglu nung Wokha i longsang (stone chips) abeni aor, sungjanglijang lu kar yimnu nung Wokha i Nursery bushia aor, Agriculture department i metsü-jang (seeds) agütsüba soa achiba jakla lir. Tanungba asen nungdakba ajak asenoki mezüngmeshia aliba kidanger Assam nungi bener atur. Mokochung town nung kiojen tajung mangur aser merenloker. Kimong tilala alirtem yokdoker Dimapur i senzüka luteper. Kechiba Aortemi Mokochung meliner khen aroka shisadangtsü nungdaker. Asen lima tzü mopung tajung doktsür Dimapur nung 120'x120' tasazük mesura iba dang tilaba nung lua alitsü jangratepba nung koba tashi ajangzüker. Tanungba town-Tuli, Mangkolemba, Changtongya aser Chuchuyimlang renloka aoba majiteter. Aor takatait aser kechisarena leman aisu nung teküpok aser sensak tiai alur asü ta asadangteter.

Pei taküm asoshi aser pei kibong atema dang bilemba dak alaker pei yimtsüng, pei kin aser nübör asoshi bilemer kanga ajema kümogo. Arok lokti tuluba ajungtsü bilemer joko maliasü ta bilemdanger. Iba ki teraksa yutsür nenok taktang taktang yokba ki nung alitsü nenok asoshi tang mapang no (Hagai 1:4) ta ashiba ama asen district senzüka yutsür Kohima, Dimapur aser talanglen oa kiojen tajung suteper alitsü tangatetba ya shitak na? Hau communication tajung, medical facilities tajung aser libalirutsü oset-tsüset ajak peria anguba tesem nung shibai melinutsü. Aji suaka asen terabo (roots) yimtsüng nungji dang lir. Tera kodang mejunglir sungdongji majungtsü aser tejang matangtsü. Talisa Dimapur nung sen akar aika ali tululu aliteper farm lapoker Adivasi aser Miya nunger yur lidar. Tangar district develop sutsüa tangar tzümar mesua, saru-sachi tapu balala telok kwi nem agütsüar memeteti aliba dang nungibo sen tera tali endokyonga asen nübör nem agütsübajibo asen kin tsüngdasa rongsenji longteper masü na? Aor gazetted officers aser takar temi pei yimtsüng nung pei akok project tilala inyak nung alima tashi agi renloker alitsü. Babylon lima tepuokdak nungi Israel nungeri Zion/Yirusalem menungra bilemtetba ama asen lima bilemtetba nung arok ajangzüktsü ta nukla dangi arua bilemer. O Yirusalem, ni na amadokra, Kü teka tajichi ashirepdakjang ta Israel nungeri bendang lima nungi Tsüngrem den azüngashiba ama asen lima, asen nübör kodanga asen Aori mamali. Yisui ashi ama, asenok rongnung sensakerji teti alitsü. Hau, ajakbo kesa jenjang nung kodanga malitsü. Saka Aor yimtsüng nung alirtem tiaji majungket tashi asen kin tejakleni maotsü. Ashiko künubo city nung alirtem tzü-mopung tajung bushia yimtsüngi meyipa arua alitsü akok. Senso ajak temeden kesa aliba indang Article 14 to 18 of the Indian Constitution nung shia angur. Anungji ozüng tsüngdangbo town nung alir, yimtak alir aser city nung alir ajak temeden kesa aser arok ajak meimchir dang asü nung ajaki jenjang tajungtiba nung tuo meshi liner. Saka yimtsüng nung alir tiaji asenok jila nung alir dang nungi teküpokba nung lir.

Tanü Nagaland nung Non-Governmental Organisation (NGO) aser registered Societies aika lir. Karbo kija indang NGO aser Society lir. Koba telokisa tajung inyaker pelaa bilemer. Aji saka asenokbo item teloktem khen yutsür Non-Profit Organisation (NPO) temolungertemi tentet nung koda. Teloki inyakba nungi kechi tajangzüksa ngudir itemji arok ajungtsü mapatem nung amshitsüsa asenok rongnungi temeim mapa inyaker adoktetsü leman lir ta bilemer (charitable organization). Takartemi mapitet lira shisa akartemi apitettsütsü aser temolung lemtetba lanur tazüngertemi anir inyaktsü. Arok ajungtsü, ajangzüktsü bilema tarutsü dak rangloker asen district nung item mesukba mapatem inyak nung koda? 1) Sensak tia nung alirtem ajungketba mapa; 2) tila asü dang nungi Education tajung agüja tenzükba mapa aser inyakyim den kaket rojutem reprangshiba; 3) tetsür temeden wazüka yutsüba aser jenjang ajungketba; 4) tetsütem temang anema aliba den tanür pok agi tua mesutetba; 5) temang aser tashitak balala aneptsü asoshi mozüki tajung yangluba; 6) tzü-mopung aser sungdonglidong wazüka ayuba; 7) senso ka temeden wazüka ayuba; 8) nisung ajak pei taküm aser kibong mesutsü leman balala sayuba; 9) asen lima ali nungi züsentetba tayudak aser tayokdak bushitsüba; 10) tzü, ali aser mopung den apet tsüklu melena tanga senotsü timba ngutetba crops tsünuba. Ano ibala mesukba tarutsü lanur dak rangloker inyakba mapa aika nung arok ajungtsü inyaktsü leman peria lir. "Never doubt that a small group of thoughtful committed citizens can change the world. Indeed it's the only thing that ever has". - Margaret Mead. Iba O nung tasü itshir arok ajungtsü (common good) asoshi asen nübör ishikati danga suaka asen lima tia tajungba kümdaktsütsü merangdi ta tangatetba tila lemsateper.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazüngerü angateta agitsü mepishir

Archaeologist temi akhidang Yirusalem yimti jara tutet



July 20, 2021: Akhidang mezüngbuba tekülem ki mapang nung Yirusalem yimti jara shilem ka samaba archaeologist temi ngutetogo; tsükchirtem dang nungi kümzüksü atema yangluba jara shilemji David National Park nung angu.

National Park terenlok project dak sendakba nung Israel Antiquities Authority aser City of David Foundation nati senteper inyakba mapang nung iba jaraji ngutet.

Ancient Jerusalem Research Center directors, Dr. Filip Vukosavovic aser Israel Antiquities Authority nungi Dr. Joe Uziel aser Ortal Chalaf nungeri sangdong ka ajanga, "Judah Chubatem mapang nung yimti jaraji ajanga tsükchirtem dang nungi Yirusalem yimti kümzüksü liasü, ajisüaka tesülen Babylon nungeri sepaitemi jaraji rakpokteta iba yimti agia liasü. Tsükchirtemi amakba mapang nung raksabatemji archaeological excavations mapang nung ngutetogo," ta

metetdaksü.

"Ajisüaka ajakbo meraksatsü aser jara shilem aika nokdaka liasü aser ibaji ajanga küm aika yimti kümzüksü liasü, aser tanü tashi item jaratemji nokdaka lir," ta parnokki metetdaksü.

Tawa ngutetba jara shilemji tanga shilem ana den medentepa aliba liasü aser jara shilem anajibo 1960s aser 1970s nung nguteta liasü.

Küm aika o toktepa aruba sülen tang tesüsa ngutetbaji ajanga itemji akhidang Yirusalem anüdoklen tsütsü aliba yimti jara liasü, ta jangaigo.

Laishiba nung 2 Chubatem 25:10 nung Babylon nungeri Yirusalem yimti jara rakpoka Yirusalem yimti amakba indang shia lir.

2 Chubatem 25:10-12 nung yamai zülua lir, "Aser tanüker madak Arkotong leniba nung Kaldi nungeri sepai telok ajaki Yirusalem jara meküta rakpok. Ano yimti nung toktsüba anünga alir nisungtem, aser toktsür ajenertem shirnok

Babylon chuba dangi ajen, aser anüngzüksü aliba telok, tanüker madak arkotong Nebuzaradani-i puer ao. Saka tanüker madak Arkotongi linük nung sensaktiba nübur kar tsükmenatzü menünger aser alu yimertem asütsü toktsü."

Arkotong leniba kübok Babylon nungeri sepaitemi Yirusalem yimti meküta jara rakpoka indang Laishiba nung shia lir, ajisüaka Babylon nungeri anüdoklen tsütsü aliba jarabo merakpokteta liasü.

Tamalen-a Yirusalem yimti amakba mapang nung raksaba mori chipo terongtu aika nguteta liasü. Yimti jara anasajisa Babylon nungeri stamp seal ka aser Judea nungeri tenüng "Tsafan" ta zülua aliba seal ka nguteta liasü.

Taküm October ita nung Israel Antiquities Authority-i "New Studies in the Archaeology of Jerusalem & its Region" conference aliba mapang nung tawa Yirusalem nung ngutetba osangtem metetdaksütsü.

Vietnam nung Khristantemi coronavirus anema raratsü

July 20, 2021: Vietnam nung coronavirus tashidak agi kanga mejungi kongshiba Ho Chi Minh City nung Khristantemi iba wara anema raratsü melungteta ketdangsertemi tuyuba shidak benshitsü aser timtemertem nem teyari balala agütsütsü melungteto.

Ho Chi Minh City nung tongti putir, Peter Kieu Cong Tung-i, yimti nung kanga keraa menatepba coronavirus Delta variant kanga prokdar, anungji Khristantemi ketdangsertemi wara anema tuyuba ajak shidak benshitsüla, ta metetdaksü.

"Hospital tem nung coronavirus tashidak agi asürtem atema asüpila sentong agütsü asoshi yimti nung sorkar ketdangsertemi putirtem nem temelaba agütsüba atema pelar. Iba ya tilaka dang saka iba ya ajanga tamangertem melung süneptsür," ta tongti putirisa

metetdaksü.

Tang mapang ya mission mapa inyaksü atema Khristantem longjemtsü asoshi maongka tajung lir, ta paisa ashi.

Iba ministry inyaksü atema Arogoi putirtem team ka tentetsü, ta pai metetdaksü.

July 19 nü tongti putir Tung-i Khristantem dang, "Arogotemi tensa mapang ajak nung nenok den alitsü, sarasadem ajanga yariba dang masü saka nenok mangyimba mapang nunga nenok den külemi alitsü," ta metetdaksü.

Pai ashiba agi, coronavirus wara agi kanga mejungi kongshirtem nem Khristantemi anogo shia chiyungtsü agütsüdar, aser maneni coronavirus agi shirangertem anepalua yaritsü sentong lir.

Paisa, "Tarutsü nung Khristan 430-i hospital tem nung coronavirus agi

shirangertem yaritsü. Tang mapang ya Arogotemi mission mapa inyaksü atema maongka tajung," ta ashi.

July 22 nungi Khristan volunteer temi hospital balala nung coronavirus agi shirangertem yaritsü.

Tongti putir, Tung-isa Khristantem dang wara agi shirangertem tajungtiba nung tenzüktetsü atema health workers aser Khristan volunteers atema sarasademjang, ta mepishia metetdaksü.

Taküm April ita tatembanglen nungi Vietnam nung coronavirus wave pezübuba Ho Chi Minh City nungi prok tenzüksü liasü, aser tang teshirangdakpur 35,984 lir.

Vietnam nung coronavirus wave pezübuba tenzüksüba sülen nisung 56,479 dak iba tashidak putetogo aser linük nung yimti 63 nungi yimti 58 nungbo iba wara prokdar.

ANOGO ABEN TSÜNGREM DEN

Ajak Lar kümteba

"Kechiyong ni nisung ajak nungji nüji liaka, nisung tali ajangzüksü asoshi ni kü sasa ajak lar aküm."
(I Kor. 9:19)

Alima tesem aika nung missionarytemi par kong tenzüker item nübir sobaliba, oshi aser sobu-solemstü par nisung ama kümer tenzükdang mamangertemi parnokki pei nübur pei yimer ka ama agizükteter aser jenti khrista dangi anir aruba mission osang kaketem nung angur. Mission mapa nung tanela anir aruba nung tongtibang tasa kaji ibai lir-tangar lar kümteba tangar ama litetba.

Tasen lai nung paul lenisubaji repringdangra paji ajak den saku sa atongsemetetba taküm ka liasü. I Korint 9:20-22 nung Pauli ashi Yihuda nungerem madang pa yihuda nunger ama ali; ozüng kübok alirtem madang pa ozüng kübok alir ka ama ali; ozüng makaba purtem madang pa ozüng makar ka ama ali; aser tashi maitba purtem madang pa tashimaiter ka ama ali. Item ajak lar kümteba nükjitongji itempur kar danga khrista dangi anir arutsü mangdang liasü.

Asen lenisüba nunga asenoki tangar küboki itettsüji kanga tongtipang. Alishi kisüng agibo asenok tangar kübok tenzüktetsüji tasak, saka khrista meimertemibo khrista tenüng nung ajaka kübok tenzükteter. Atangji Pauli ashi, "Khrista ashiba ni tashi itdaksür pa dak ni ajak inyaksü akok." (Phil. 4:13)

SARASADEM

Kibuba ni tangar kübok itettsü kü nem ne Tanelai tashi agüjangma. Amen

Cuba linük nung longkak aitba mapang Pastor tem aika puogo

July 18, 2021: Cuba linük nung rongsenkettsüng aser wara dak sendakba nung linük tesem ajungalen nüburtemi longkak aitba mapang nung tamangba yimsü lenirtem aser longkak aiterem aika puogo, ta osang ka ajanga metetdaksü.

Linük tesem ajungalen longkak aitba mapang nung pastor tem aser longkak aiterem aika dak azük aser aika puogo.

Cuba nung Pastor tem aika apuba sülen USCIRF densema religious freedom telok balalai putirtem chiokang, ta takhangba agütsüogo.

U.S. Commission on International Religious Freedom (USCIRF) commissioner, James W. Carr-i sangdong ka ajanga, "Tesünep nung longkak aitba atema Cuba ketdangsertemi tamangba yimsü lenirtem apur; meimchir temeden balala akhümtsübuttsüla," ta metetdaksü.

Meimchir temeden atema inyaker aser pastor, Rev. Mario Félix Leonart Barroso-i Facebook post ka ajanga, ketdangsertemi Matanzas nung aliba Berean Baptist Mission nungi pastor ana- Yeremi Blanco Ramírez aser Yarian Sierra na puogo; tena ya William Carey Biblical

Seminary nung tesayurtem lir, ta metetdaksü.

Rev. Ramírez aser Sierra na tang tetsürtem indang jail ka nung puoka lir, ta UK nung amenoka aliba Christian Solidarity Worldwide (CSW)-i metetdaksü.

Rev. Ramírez ya tang asthma agi shiranger, ajisüaka tang Matanzas nung coronavirus wara kanga prokba mapang nung pa tepuokdak yuogo.

Eastern Baptist Convention nungi Rev. Yusniel Pérez Montejo-a Santiago nung apuba sülen tang tepuokdak lir.

Khristan putir, Castor José Álvarez Devesa dak-a azükba sülen Camagüey nung aliba Montecarlo jail ka nung puoka liasü. Amongnü putir Álvarez-i longkak aiterem pusema jembiba sülen pa apu, saka chiokogo.

Baptist World Alliance General Secretary, Elijah Brown-i sangdong ka ajanga, "Baptist Khristan lenirtem densema democracy atema jembirtem apuba ya tejashitsüka lir, ta metetdaksü. Paisa, "Tai maket nisungtem timtemdaksübaji onoki aitsür aser nüburtem dang parnok atema sarasademjang ta mepishir," ta metetdaksü.

OLONG PAITEP # 5881

1		2		3		4	5			
				6						7
		8								
9				10		11				
			12						13	
						14				
16						17				

TIPILEN		LANGTSÜNGLEN	
1. Nisung jenti	- (5)	1. Tenük telong	- (9)
4. Tsük rudenba	- (5)	2. Committee dang ajar	- (5)
6. Temzüng tesashi	- (5)	3. Yagi ki okdoker	- (7)
8. S_ _ _ i	- (3)	5. Yim lenmang	- (5)
9. Nisung rongnung telemsa	- (3)	7. Temoatsü keter meyipa aruba	- (9)
10. Anogoshi	- (4)	11. Kanga junga menemba	- (7)
12. Ajanga aor	- (4)	12. Kenyongi majinü	- (5)
13. Tsük rizüngdak	- (3)	13. Rong kanga tulu	- (5)
14. Tebang nungi adokba	- (3)		
16. Süngdong tatembangtiba	- (5)		
17. Mepupet	- (5)		

OLONG PAITEP # 5880 TELANGZÜBA

TIPILEN :		LANGTSÜNGLEN :	
1. Tanga, 6. Wara, 7. Rajang,		2. Anga, 3. Yabang, 4. Tarok, 5. Orak,	
9. Anük, 10. Jenjang, 11. Alar,		8. Ainer, 9. Anema, 10. Jabili,	
14. Ngashi, 15. Nala, 16. Mechi.		11. Among, 12. Mliim, 13. Anem.	



ALOKBA SARASADEM

Teti tatem maka aliba takum Tsüngrem na nungi pila - a mapang talangka azümesenba ajanga sarasadem mesüi arugo nai taidokangma. Ne yimlibilem onok den lidakjang onok sarasadem nai agizükangma.

Takotet sayutsüngerem süshia, sanükertem süshia, nai moatsüba sempet tajung amshirtem süshia, tamanger ka süshia alima densa junga aliba mapang pei pei yari mapa meranga inyakogo ne tsüngdang tajung tagizuktetsüsa lira onok tali moajangma.

Onok taküm shia temaitsü, tia, jenjang tasü tonga nai meteta lir, ano iba mesükba alimar putu densa den puteba nisung shia Digital identification information (AADHAR) tangar ket nungang yua lir. Ne taküm "O" mapang ajak nung ataloka arudaki, tatempang anügo asoshi ne temaitsütem onoki angur, aser temenen sendongtema anügo shia takok ngua aor aji onoki majiteter. Onok tanela temenen agi kangpanger liaka Kibuba ne den mapang ajak nung alitsü meranger, saka Yob taküm ama ali shi temangbo temeneni agiadokogo.

Ne temeim tesüngmangtsü mokonga kümogo, kiyonger pei ama meimtsü naibo ashir saka tasüba, tejashi timtem ajuruba tia nunga sarasadem asütsü moteter, koda masür timtemer oa yaritsü tamang agi makoker. Na külemtsü kong tanela aser shi nung tanüptsü angur ajibo shipanga yur vaccine agitsü junger ta ne taküm senti "O" jenti vaccine agitsü meji neburtem dang ayongzüka angashidang mulongsa AADHAAR link sür agiogo, Saka ya tiazü ainketertembo masü südi ta ano iba den külemi tanemi-tanemi onoka temaitsü ajenertem züngsem rongnung züngsema aor asü ta rata-a bilemer. Tarutsü mapang nungbo achi-ajemba libaliru ajak alima tashi agi dang (DII amshia vaccine agiba amai) Jazüoka aotsü südi, Tanü asen tamanger ka jenjang aser temeten alimai rakzükogo arogorpurtemi aser tamanger shingia aji majiteter, mangateter. Joko ochi "O" samaogo, One World One Government ya Christian state ka nungiang adoktsü tsübur. Anüdok nungi anülo tashi social media ajanga osangtsüsang kanga küra prokshiba angudang ochji asü olo lo ta pangkar.

Joko samaba san kardanga anir arutsü khuret süa bilemaka kü nela jenjanga ne tsüngdang agizuktetsüsa nai zülüoka lir asü masü ta shisabuluser.

Amen

Lilir : E-Mail

AO OSHI ANGAZÜKDAK:
TANÜ ANGAZÜKTSÜBA OJANG

Kilamet
 (n) pei apuani yutsür tangar den nüktapangta benshiba senchi (fine for illicit relationship)
 · Yimteni pa dang **kilamet** sen meyrirjang ter achi.

Kilangki
 (n) kibang talang keta asüba ki, takar ki (richman's house)
 * **Kilang ki** nung asor aika sensaker akümer.

NAI-A YA METETTER MA?

INDIA NUNG RAILWAY TUNNEL TALANG TEM:

* Patalpani Rail Tunnel	14,000 metres
* Pir Panjal Railway Tunnel	11,215 metres
* Trivandrum Port Tunnel	9,020 metres
* Sangaldan Tunnel	8,000 metres
* Rapuru (P-4)	6,642.25 metres
* Karbude (T-35)	6,506 metres
* Maliguda Tunnel (M-1)	4,422.25 metres
* Nathuwadi (T-6)	4,389 metres
* Tike (T-39)	4,077 metres
* Berdewadi (T-49)	4,000 metres
* Savarde (T-17)	3,429 metres
* Barcem (T-73)	3,343 metres
* Borail BG(T-10)	3,235 metres
* Karwar (T-80)	2,950 metres

(Maneni asüng adok nung...)

TANÜBO NAI LANGZÜANG

Q. _____ nung Department of Faith and Culture tasen tentet.
 A. Assam B. West Bengal C. Gujarat D. Arunachal

(Taruba adok nung onoki langzüksü)

YASHI ADOK TELANGZÜBA : Sony India

SUDOKU # 5921					TELANGZUBA # 5920												
7		4	2	1		3		4	2	3	5	7	8	1	6	9	
2		3			5		1	4	8	9	7	2	1	6	4	5	3
6	1	5	3	8			7		5	6	1	9	3	4	8	7	2
8		1	7		6		4	9	6	3	8	7	4	5	9	2	1
		6	1			5			7	4	5	1	2	9	3	8	6
	4			9	3	2		1	2	1	9	6	8	3	5	4	7
4			9	7		5			1	8	4	3	6	7	2	9	5
		2			1	4	9		9	7	2	8	5	1	6	3	4
	5				8				3	5	6	4	9	2	7	1	8

OJANG LUTEP # 5466

SUNING :

SETAN :

IAG :

ENYME LONGA :

ETBTANGATA :

UNTAJG :

KAMERA :

KHAEC :

TAGZÜJANK :

ALMI :

OJANG LUTEP TELANGZÜBA # 5465

ASOAJEN TEPOR JUNGA NGUR ALIMAI TULUKA
IMLA SAKA ASHIPANGTSÜSA INYAK

TAN HOPTA ATEMA - KOMA SÜLA ?

Q. Akhi tsüraburtemi yim akümdang yatetba ali kimong aser alushi dak alaka, tanü putu tasenba nung kibong kati ajangzüktetba ali rongsentem madakbo, kibur küma senmangtsü asoshi, tetsür - tebur aser jala- jabaso ta mali, kibong nung tsürabur ana mulung südaktsü nunga koma süla ?

Olong 20 shi nung July 23, 2021 tashi nung iba telangzüba ya onok dangi (e-mail - tiryimiyim@gmail.com) :
 (SMS - 9856121232 / 9436072422) : (WhatsApp - 7005723372 / 8729995804) : (tiryimiyim.in) ajanga yokang. Telangzubatemi taruba Honibarnü adoktsütsü.



Patiala nung tzunglu kanga sashia aruba sülen lenmang mobanga tzü ayimba ajanga garitem senzusenpong majungba noksa nung angur. Mongolbar anepdang tzunglu kanga sashia aruba ajanga lenmang aika metsungbangogo aser iba ajanga senzusenpong nung tetsükdaktsü adokogo.

Punjab nung aluyimertemi Sidhu dang wako tanak sayu

New Delhi, Chiteni/July 20 (Agencies): Deobarnü shimba Punjab Congress tekolekba Navjot Singh Sidhu dang Mongolbarnü Ludhiana nung aluyimba ozüing anema longkak aitba aluyimertemi wako tanak sayu, ta ANI sangdong ka ajanga metetdaksü. Ludhiana Bhagat Singh Marg tesem nung aluyimba lokti tentet balala longkak aita aliba tesem ka sua Sidhu aoba mapang iba ya atalok.

Congress lenir ya lenmang balaka nung liasü aser pai mangatetep adoktsü nungi jenbonüa liasü," ta Avtar Singh, SHO Banga-i ashi. Sidhu Deobarnü Punjab Congress tir asütsü shimogo. Iba sülen anogo ka lir pai Patiala nung Gurudwara Shri Dukhniwaran Sahib semdanga sarasadem. Hopta ka tepeyong mangatetep adoka aruba sülen Deobarnü nikongtsütsü Punjab Congress tir asütsü Sidhu shim. Gurudwara nung sarasademba sülen pa

pusemertem aser party züngsem kar Patiala nung par ki tonga ao. 2022 assembly elections takok angutsü atema Punjab chief minister Captain Amarinder Singh aser Sidhu na dak Congress party-i timla ayur. Party züngsemtemi Punjab unit tir mapa Sidhu nem agütsüba pelashishia agizükogo aser ashiba agi, iba jenjang ya kanga junga shisadanger agiogo. Parnokisa, iba telemetba agiba ajanga shinga mepelai mali, ta ashi.

Aluyimertem den sensaksemtsü sorkari mulunga lir: Tomar

New Delhi, Chiteni/July 20 (Agencies): Taoba küm September ita Parliament nung agizükba aluyimba ozüing asem anema longkak aita aliba aluyimertem den sensaksemtsü atema mulunga lir, ta sorkari Mongolbarnü ashi. Aluyimertem longkak aitba dak sendakba nung Lok Sabha nung ken o balala ashishiba mapang Agriculture Minister Narendra Singh Tomar-i, ken o bentettsü atema longkak aita aliba aluyimba lokti tentetem den sorkari 11 ben sensaksemogo, ta ashi. "Ken o bentettsü atema sorkari aluyimba lokti tentetem den süoki ia sensaksema arudar. Sensaksem akaba mapang sorkari aluyimba lokti tentetem dang aluyimba ozüing nung provisions tem sensaksemdi ta mepeshiogo, ajita asünungdang tetsükdaktsü kar danga lir

agintettsü. Ajisüaka aluyimba lokti tentetemi ozüing agintsü dang akhanger," ta minister-i ashi. "Aluyimba lokti tentetem den sensaksemtsü atema sorkari mulunga dang lir aser ken o bentettsü atema sensaksemtsü asoshi pelashishia agizüktsü," ta Tomar-i ashi. Paisa, sensaksem ajak nung sorkari ozüing agintsü atema akhangba ya toktsür aluyimba lokti tentetemi shisabulua bilemba ken o tem bentettsü atema farm Acts nung parnok atema tetsükdaktsü aliba clauses tem benoka sensaksemtsü shia arudar, ta ashi. Aluyimertem talisa Punjab, Haryana aser Uttar Pradesh anüolen nungi meyirejang aika adenshia Delhi arrtsü nung ita tenet dak tema aluyimba ozüing asem ya agintsü khanga

longkak aita arudar. Supreme Court-i osang tejangja ka magütsü tashi item ozüingtem mebenoki atatsü tetuyuba agütsüogo aser ken o bentettsü atema committee ka tentettsü tuyuogo. January 20 nü sensaksem 10buba agiba mapang Centre-i, Delhi arrtsü nungi aluyimertem pei kidangi meyipa aotsü melena iba ozüing ya küm 1 nungi 1 ser tesadang tashi mebenoki atatsü aser ken o bentettsü atema joint committee ka tentettsü benokdang. Aluyimba lokti tentetemi 'The Farmers' Produce Trade and Commerce (Promotion and Facilitation) Act, 2020', 'The Farmers (Empowerment and Protection) Agreement On Price Assurance and Farm Services Act, 2020' aser 'The Essential Commodities (Amendment) Act, 2020' anema longkak aita arudar.



Israel nung amenoker aliba NSO Group ka indang military-grade malware ka amshi political opponents, osangbenertem aser activist tem meitba atema Ato Kilonser Narendra Modi-i aniba sorkar anema New Delhi nung Congress party worker temi longkak aitba noksa nung angur.

NEW COLLEGE ADMISSION

livingstone.nagaland@gmail.com
+ 91 7005996092 / + 91 7005996093

Livingstone Foundation International College

THAHEKHU / KEVIJAU, 797112-DIMAPUR (UNDER NAGALAND UNIVERSITY)

ADMISSIONS OPEN FOR BOTH BOYS & GIRLS 2021 SESSION

Forms are available at the LFI School Office from 26th July 2021, 9:00 am to 3:00 pm.

COURSES OFFERED

BA HONS (SEMESTER I):
• English, Political Science, Education, History, Psychology

BA(GENERAL):
• Political Science, Education, History, Psychology

B. COM HONS (SEMESTER I):
• Accountancy & Finance, Financial Management

B. COM(GENERAL)
• Principles of Management, Financial Accounting-I, Indian Banking System, Financial Management

LIMITED HOSTEL FACILITY AVAILABLE FOR BOTH BOYS & GIRLS

Come find your path in the journey with us!

SCHOLARSHIP PROGRAMME

- 100% Concession in Monthly instalments for top 3 Rank holders from all recognised Boards.
- 50% Concession in Monthly Instalments to other toppers from all recognised boards.
- 50% Concession in Monthly instalments for students with excellent flair in Sports, Arts, Music & other such skills.
- 50% Concession for those students who have lost their parents to COVID-19.

Totzü jenjang ajungketba atema Rahul Gandhi-i Centre aitsü

New Delhi, Chiteni/July 20 (Agencies): Totzü saru tali ajungketba atema Congress lenir Rahul Gandhi-i Mongolbar anepdang sorkar aitsüogo aser sorkar ya Bollywood movie tejentem nung sen aputsürtem ama asü masü ta asüingdang. Wayanad, Kerala nungi Congress MP-i, Twitter ajanga, "khelen nüburtem dang loan agitsü ajungshir aser khelen asenok saru nungi sen aika aazüker. Iba ya sorkar aser Hindi film tejentem nung meromero sen aputsürtem?" ta pai ashi. Pai pa indang tweet den, sorkari petroleum products tem nung excise duty shilem 88 ajungketba ajanga sorkar treasury-i sen lakh crore 3.35 aita indang osang ka tag sütsü. Finance ministry nung minister of state Pankaj Choudhary-i Hombarnü Parliament nung FY21 nung excise duty nungi petrol nung sen lakh crore 1.01, diesel nung lakh crore 2.33 aser natural gas nung crore 1,195 sarutet, ta ashiba sülen anogo ka lir Gandhi-

i sorkar aitsü. Centre-i taoba küm petrol nung excise duty liter shia sen 19.98 aliba nungi 32.9-i ajungkettsü. Kasa mapang nung diesel nung excise duty liter shia sen 15.83 aliba 31.8 ajungkettsü. Minister of state-isa, April-June 2021 nung Centre-i petrol aser diesel excise duty nungi sen crore 94.18 sarutet ta ashi. 2017-18 nungi 2020-21 tashi nung petroleum products tem nung central excise duty average share 12% liasü (union-i saruba gross revenue). April 1 nungi July 13 nü tashi nung petrol jenjang 39 ben ajungketogo aser diesel jenjang 36 ben ajungketogo. New Delhi, Rajasthan, Madhya Pradesh, Maharashtra, Andhra Pradesh, Telangana, Karnataka, Jammu and Kashmir, Odisha, Tamil Nadu, Kerala, Bihar, Punjab aser Ladakh densema state aika nung petrol aser diesel jenjang liter nung sen 100 adenogo aser iba ajanga Opposition party temi anir longkak aita arudar.

Covid-19: India nung nisung 30,093 dak tashidak potet

New Delhi, Chiteni/July 20 (Agencies): India nung taoba ghonda 24 tsüingda nisung 30,093 dak tashidak potetba Mongolbarnü Union health ministry data ajanga sayuogo. Iba ya ita pezü tsüingda anogo ka nung nisung tajemtiba dak tashidak potetba asütsü. Kasa mapang nung taoba ghonda 24 tsüingda nisung 45,254 taneptsü nguogo aser India nung recovery rate 97.37% jungogo. Tang tashi nung nisung 3,03,53,710 taneptsü nguogo. Mongolbarnü tashidak potetertem densemer linük nung tang tashi nung nisung 3,11,74,322 dak tashidak potetogo. Maneni tang tashidak menar temang anepalua alirtem 4,06,130 dang lir, koba anogo 117 tsüingda tajemtiba asütsü. Tang temang anepalua alirtem ya

total cases nungi shilem 1.30 lir. Anogoshia tashidak potetba rate anogo 29buba atonga 3% tekübok lir aser tanga 11.65% nung lir. Hopta shia positivity rate shilem 5 tekübok lir aser tang 2.06% nung lir. Taoba ghonda 24 tsüingda tashidak agi nisung 374 asüba sülen India nung Covid agi asür 4,14,482 jungogo. India nung Mongolbarnü tashi nung samples crore 44.73 tendangogo. Indian Council of Medical Research (ICMR) sangdong ka ajanga ashiba agi, July 19 nü tashi nung sample 44,73,41,133 tendangogo aser item sample tem rongnung yashi sample 17,92,336 tendanga liasü. Kasa mapang nung Union health ministry sangdong ka ajanga ashiba agi, India nung tang tashi nung Covid-19 vaccine nisung 41,18,46,401 nem agütsüogo.

EARLY TESTING SAVES LIVES!!

You need to get TESTED immediately if:



- COUGH
 - FEVER
 - ACHES & PAIN
 - DIFFICULTY IN BREATHING
- Or any other symptoms of Covid-19
- Or have come in close contact with a positive person.



- Early Testing and detection offers the best chance of cure
- Don't wait for symptoms to develop if you come in contact with a positive person.

Benefits of early testing & treatment of COVID-19

- Helps monitor your health
- Protects your family and friends
- Stops the chain of transmission
- Reduces disease severity and prevent death

Get Yourself TESTED Today

- Anyone with COVID-19 like symptoms
- Anyone who is listed under CONTACT TRACING



CONTACT YOUR: ASHAs, AWWs, Nearest Health Centres

ALWAYS FOLLOW PRECAUTIONARY MEASURES:



NAGALAND AGAINST COVID-19

Dial State Help line No. 1800-345-0019 / National Toll Free - 1075 for any queries on COVID-19 and other health issues.



Afghan yimtiba nung tir sarasademba mapang rocket khaloktsü

Kabul, Chiteni/July 20 (Agencies): Afghan tir aliba kima nung Tir Ashraf Ghani-i anir lenirtem telok ka Mongulbarnü Muslim nunger Eid al-Adha anogo tenzüka sarasademba mapang iba tesem anasa rocket asem khalokja liasü.

Item rocket khaloktsüba asoshi telok katia tenüng agia meliaka linük nungi bendanger sepaitem ainshiba mapang Taliban-i tesem balala tashiyim amshia agidang Kabul nung rocket amshia amakba mezüngbuba alitsü.

Anepbongi süngjema aliba mapang tanüker kanga sashia aliba Green Zone nung rocket khaloktsüba ola angashi, kong tir aliba ki aser US mission densema embassy aika amenoka lir.

Facebook nung video ka prokshiba nung nisung ter dak tema maneni sarasademba mapang temeket nung rocket khalokja apokba ola angshi.

Tir Ghani ya Afghan nunger akhi sübosolemtsü den turban ka agir telok jakdang nokdaka liasü aser lokti külemi apodakba mapang pa masetshi.

Iba sülen pai o jembiba mapang, "Yimjung asoshi Taliban tejangraba mali ta kuli sayuogo," ta ashi.

Interior ministry odongtar Mirwais Stanikzai-i ashiba agi, pickup truck ka nungi rocket asem khaloktsü mesüka lir. Saka ka mapok, ta pai ashi.

"Tang tashinung iba lendong nung nisung asü-amaba osang mali," ta pai ashi.

Taoba küma iba tesem nung

Ghani tir inyaktsü atema tezüngzüktep agiba sentong nung nisung noklang aika adenshia lia amak aser nisung kar jena ao.

Iba lendong agütsüba yabo Islamic State (IS) teloki tenüng agi, saka yangjia asü-amaba meliasü. Bendanger sepaitem August 31 tashinung linük yutsür ainshitsü atema maparen tenzüker arudang Taliban teloki linük tesem balala par küboki aitdaksüba mapang ka nung Mongulbarnü iba lendong ya atalok.

Taliban teloki teshisadangba makai sorkar dang nungi alinük rakzükyonga aruba tangsa anentsüla, ta Kabul nung aliba diplomatic mission ter dak temai ola a doker anogo ka lir iba timtem ya ajurur alitsü.

Hopta tatemlen Doha nung Afghan sorkar aser Taliban tsüngta yimjung ken o jembishinüa sülen linük balalai ola adoka liasü.

"Taliban-i tashiyim amshiba ya parnoki yimtenren tsütsü ken o jembishinüa tangatetep kati arutsü onok tejangraba lir ta sangdongba den khenyongi meputep lir," ta sangdong ajanga ashi.

"Iba yongji Afghan nunger tai maket takum jenti laluoogo, aser tang tashi tenük yoker nisung tepseter, civilian tesem tesem balala nung jenshia lir, rakzükrakter aser ki-o-jen rongdoktsür, tongtipang ki-o-jen raksatsür aser osang-ola agitebatem raksatsür."

Telok ana ya aiben Qatar yimtiba nung adenshia senden

amener saka jembishinü nung terenlok kangabo mali, aser Taliban telok tongpang nung takok nguyonga aoba ajanga sadoksayima jembishinü mesüteter.

Deobarn menur telok ana ya lungjemer osang ka sangdongba nung, palnok taruba hopta ano ajuruteptsü, ta ashi.

"Ken o jembishinüba nung anendaka malitsü atema onoki molungtep, ta Afghan sorkar nungi Abdullah Abdullah-i Hombarnü ashi.

Afghan civil society aser linük balalai rara anentsü atema ajungshiaka telok katia senden nung lungjemer ceasefire atema inyaktsü memeranger, ta pai ashi.

Taoba mapangbo Taliban

aser sorkari tamangba yimsü benjong mapang ceasefire sangdonga liasü.

Hopta tatemlen senden amenba sülen, US sepaitem Afghanistan nungi ainshiba sülen Kabul airport ya Ankara nem amshidaktsütsü Taliban-i memolungba atema jembishinü tenzüktü, ta Turkey Tir Recep Tayyip Erdogan-i sangdong.

Iba airport ya agitsü atema Turkey-i US defence ketdangsurtem den jembishinüa arua liasü, kechiaser bendanger sepaitem ainshiba sülen Afghanistan nung linük balala nungi diplomatic mission amenoka alitsü asoshi iba tesem ya kanga tongtipang lir.

Turkey taginüba ya aitsütsü langa lir, ta Taliban-i taoba hopta

ashi. Ajsüüaka Afghanistan nung rara manener, kong Taliban aser sorkari linük nung tesem balala par küboki aitdaksüba osangtem sangdonger.

Hopta tatemlen Taliban indang supreme leader Hibatullah Akhundzada-ia yimtenren tebilemtsü ya tangatetep kati arudaktsüner, ta shia liasü, saka par telok yagi tesem balala nungi sorkar meyong sepaitem atsüngdoka tesemtem amokbangba manener.

Taliban-i district aika per yimsüsüba küboki aitdaksü, arrtsü alema senzüsempogba tesemtem amokbang aser provincial capital tem lungbanga lir.



Iraq yimtiba, Baghdad kübok Adhamiya district nung aliba Abu Hanifa mosque nung Muslim nungertem sarasademba noksa nung angur. Alima tesem ajunga nung Muslim nungertem Eid al-Adha benjong amunger, koba dang 'bendanga agütsüba benjong' ta ajar. COVID-19 tashidak wara agi aliba tesem balala nung kongshia nüburtem timtemba mapang iba benjong kanga kumdanga amunger.



Dimapur, Chiteni/July 20, 2021: "Together We Can" mapatong shilem ama, Dimapur kübok Tribal Old Age Home cum Day Care Centre Thilixu Village nung achaayangertemi tantsü tambu nem jang-o-tsü aser toiletry tem lema agütsüogo. Iba Care Centre nung achaayangertem külemi tangokba noksa ka yangi angur.

EAC Imlijungla den tepila sentong agiogo

Kiphire, Chiteni/July 20, 2021 (TYO): Hombarnü, DPDB, Conference Hall, Kiphire nung, District Administration-i EAC, Imlijungla Lemtur den tepila sentong agia liasü, ta sangdong ajanga metetdaksü.


Iba sentong nung, Deputy Commissioner, Kiphire, T.Wati Aier-i, Imlijungla ya kanga dang meranga inyakba ketdangsür tasen ka lir aser la nem lezmüksüba maparen tem lai nendak nendaka aser bendanga agütsür inyak, ta ashi.

EAC, Imlijungla Lemtur-i, maparen nung ajemoka Kiphire nung mezüng inyaksü maongka angu aser inyaka aruba mapang aika ajangshia aruogo aser item ajak kü mulung nung teti alitsü, ta ashi.

Kiphire nung EAC ka ama inyaka arudang ajangshibatem lemsatepba mapang, lai, DBs densema staff ajak den amalitepa aser telongiem nung inyaka aruogo, ta metetdaksü aser iba district nung lia arudang nüburtemi nungita yariba aser tesendaktep tajung atema lai pelaba lemsatepa liasü.

Maneni, iba sentong nung staff tenüng nungi Hd. DB (Sadar) aser HA, Zisepi nati jembi. District Coordinator, MSK, Albert Jinger-i ken ka aten. ADC, Rahul Mali, IAS-i tepela anküp o jembi aser sentong nung EAC, Chubamongla Kichu menden liasü, ta kasa sangdong nung shia lir.

Manish Malhotra-i Dharma Productions den longjemtsü



Mumbai, Chiteni/July 20, 2021 (Agencies): Designer, Manish Malhotra-i director maparen nung ajemoka project ka tenzüksü asalentong yangludar. Manish-i iba maparen atema Dharma Productions film den longjemer inyaksü, ta sangdong ka ajanga metetdaksü.

Manish-i Instagram sabang ajanga iba osang lemsatepa liasü. Iba den külemi, pai director maparen nung ajemoka inyaksü osang angashia par medemer temi pa nem tenüngsang agütsüba osang lemsatep.

Osang ajanga angazükba agi, Manish-i direct asütsü aliba film ya music tsütsü rangloker yanglutsü. Team-i cast anioktsü asoshi maparen yakta tenzüksü. "Iba 'musical love story' atema Malhotra-i screenplay zülutsüogo aser film atema cast tem shimtsü asoshi sentong renemdar. Malhotra indang tasa aser design tem amshia iba film tangoktsü," ta sangdong nung shia lir.

Hombar, Manish-i Instagram sabang ajanga temple ka nung video tangokba lemsatepa liasü.

Hindi cinema tsütsü, Designer Manish Malhotra indang sübosilemstü tem project balala nung amshiba ajaki jangjaa lir aser pa sempet tajungtem aikati pelashishia agizükogo. Karan Johar ya Manish'er tembar tajung aser Kuch Kuch Hota Hai film tangokba mapang nungi tembar anaprongla külemi inyaka aruogo.

CHRISTIAN HIGHER SECONDARY SCHOOL



IN LOVE AND TRUTH WE STRIVE

NYAMO LOTH ROAD, DIMAPUR - 797 112, NAGALAND

Congratulations

But thanks be to God! He gives us the victory through our Lord Jesus Christ. ~ I Corinthians 15:57

HSLC / HSSLC TOPPERS 2021



ZAHID AHMED LASKAR
HSLC - 6th Rank



RASMA BEGUM
ARTS - 2nd Rank



SONI GUPTA
ARTS - 3rd Rank



Z HUSHILI SWU
ARTS - 7th Rank



CHUBATOLA
ARTS - 8th Rank



NUPUR JAIN
COMMERCE - 8th Rank

SUBJECT TOPPERS 2021



ZAHID AHMED LASKAR
Social Sciences -100
(HSLC)



TABASUM TALUKDAR
Social Sciences -100
(HSLC)



MEDHAMAHIMA CHOUDHURY
Economics - 99
(HSSLC)



SONI GUPTA
Education - 99
(HSSLC)



RASMA BEGUM
Education - 99 HINDI 94
(HSSLC)

CHSS family is truly humbled and honoured by the brilliant performances of HSLC & HSSLC students in 2021 Board Examinations. May the Almighty God continue to bless and prosper you all in all your future endeavours.

- A Felicitation Programme for the toppers and State highest mark holders will be held on July 24, 2021 at 10:00 A.M in the Covenant Hall.
- All toppers are requested to attend the function along with parents in regular school uniform.

Sd/-
S. MOATEMSU WALLING
Principal

State nung "Cheer4India" ayonga agi



Kohima, Chiteni/July 20, 2021: "Cheer4India" Tokyo 2020 sentong agiba mapang, Er. Zale Neikha aser tangartem külemi tangokba noksa ka yangi angur.

Kohima, Chiteni/July 20, 2021 (TYO): Tokyo Olympic 2020 nung shilem agitsüpur India athlete tem ajungmesotsü atema, Mongolbarnü, India nung tanungba State den jangyu medema, Department of Youth Resources & Sports, Nagaland-i "Cheer4India" sentong ayonga agiogo, ta sangdong ajanga metetdaksü.

Indira Gandhi Stadium nung iba sentong agiba mapang, Nagaland Youth Resources & Sports Advisor, Er. Zale Neikha-i, Tokyo Olympic atema State nungi athlete tem meyokteter, ajisiuaka Kohima nung Khelo India State Centre for Excellence (KISCE) takok ngua aoba yong, tarutsü nung Nagaland nungi Olympic nung shilem agitetsüsa athlete tem

adoktsü imlar, ta ashi.

Taoba Olympic nung shilem agila, Chekrovolu Swuroalso-i o tatsüka jembu aser Tokyo Olympics nung Indian contingent nem takokba lidakjang ta lai lemsatepa liasü.

"Cheer4India" sentong nung Youth Resources & Sports Director, Nagaland, Akumla Chuba menden liasü, ta kasa sangdong nung shia lir.

Maymol Rocky-i coach mapa toktsüogo



New Delhi, Chiteni/July 20, 2021 (Agencies): Küm pezü tashi Indian women's senior national team indang Head Coach ama inyakba sülen, Maymol Rocky nija maparen aliba ajanga iba mapa nungi anener.

Maymol, shibai mapang tatsüka assistant coach inyaker sülen, 2017 küm head coach mapa agizük, lai anir India tetsür football team-i International asayamung nung shilem agia takok nguogo aser tesüiba küm ishika nungi la tawabangba kübok India tetsür team kanga renloka arudar.

Kü dak aketba sempet nung temulung lemteta aser amalitepa inyaka aruba atema federation dang pelar, ta the-aiff.com den jembiba mapang Maymol-i ashi.

"Küm aika atema kü maparen nung tamang kateta aruba atema All India Football Federation aser team dang pelar. Tesüiba küm ishika nungi iba saispung nung temelenshi tulu adoka aser renloka aruba asangsang nung angudang kanga pelaseter. Idaki asenok

nem agütsüba facility tem kanga tajung aser federation, Sports Authority of India (SAI) temi kanga nungitogo. Iba den bendenloksema, tanü asenok iba jenjang nung nokdakteta aliba ya Odisha Sorkari metitemi nungita yariba ajanga dang lir," ta Maymol-i ashi.

"Nija maparen aliba ajanga Maymol Rocky-i Senior National Women's Football Team indang Head Coach meinyaktetsü ta shiogo," ta AIFF Secretary General Kushal Das-i ashi.

"Onoki la tebilemba angateta aser la mapa nungi anentsü telemtetba tem agizüker. Indian Football tsütsü lai bendanga agütsür inyakba atema pelaba lemsateper. Tarutsü nunga la wadang nung takok tulu angutsü onoki imlaa atar," ta Das-i shisem.

Taoba mapang India national team nungi asayar, Maymol-i küm ishika dang inyak yongjia, lai bendanga agüja tajungtiba nung inyakogo. La sempet ajanga team aser linük nem tenung tajung bener arutsüogo.

"Tesüiba küm reprangdangra, onoki tamakok aser takok den tayongzükba jenti ajangshia aruogo, saka kü taküm nung iba mapang ajak dang tajungtiba liasü. Ni iba mapa agizükba mapang nungi, team kanga renloka aru aser iba team den külemi pelashishia inyakogo," ta lai ashi.

"National team nungi asayartem aser ni ajangshia aru aser aji jangratemtsüka liasü. Imlaa ataba ama team-i ajangzüksetogo aser training den asayamung mapang asaya balala nung parnok dak aketba sempet tajungtiba amshia asayaogo," ta Maymol-i ashi.

India football putiotsü nung ostüsütsüsa, 2018 küm November ita, Indian women's national team-i mezüing Olympic qualifiers indang tanabuba round tongteta asaya.

2019 küm India tetsür football team-i SAFF Women's Championship title ajangzükset aser Nepal nung ayongba South Asian Games nung parnok gold medal takok angu.

Taruba küm, India-i mezüing AFC Women's Asian Cup ayongzüktsü sentong yangludar aser Maymol-i, iba asayamung nung team-i takok ngua asayatsü teimla tulu lir, ta lemsateper.

"Asayamung balala rongnung National Team atema AFC Asian Women's Cup 2022 ya sabang tulutiba asütsü aser team pur sempet ajanga linük nung football asayatsü aser coach inyaksü jangrar alir tetsür aika ajungmesotsü asoshi mapang tajung ka asütsü," ta Maymol-i shisem.

Igor Stimac indang contract atsülanger: AIFF

New Delhi, Chiteni/July 20, 2021 (Agencies): 2023 AFC Asian Cup asayamung atema India football team-i tajungtiba renemshitsü aser asaya tsütsü tasa tasen agüja nungittsü nükjidong nung, Head Coach Igor Stimac indang contract September 2022 tashi atsülangtsüogo, ta All India Football Federation (AIFF) sangdong ajanga metetdaksü.

Mezüingbo, Stimac indang contract ya taküm September ita tembangtsü liasü. Taküm May ita Stimac indang contract September 2021 tashi atsülangtsü.

Hombarnü, AIFF technical committee senden mena liasü aser iba contract dak sendakba nung osang sangoktsüba mapang, committee-i, "Indian football tejakleni bener aotsü nükjidong nung, tatsü talang ajak asadangshia jembuogo," ta ashi.

"Alima tesem ajunga nung football sapurtem atsüa arutsü aser AFC Asian Cup China 2023 asayamung nung shilem agitsü asoshi jenjang ka tongtetsüsa National Team-i qualifying asayamung nung shilem agiba mapang nungita yaritsü atema


sentong tem asadangshia olemtepa sülen, Head Coach Igor Stimac indang contract September 2022 tashi atsülangtsü asoshi onok bangjemtep. AFC Asian Cup qualifier asayamung ya February 2022 nungi September 2022 tashi asayatsü," ta AIFF-i ashi.

"Indian Football mapatong maneni tejakleni bener aotsü asoshi Stimac dang asalentong yanglutsü asoshi AIFF Chairman-i mepishiogo," ta kasa sangdong nung shia lir.

Iba dak sendakba nung, Stimac-i Senior Men's National Team indang asalentong tem committee dang

metetpeladaksü, kong Stimac-i tangba Indian Football jenjang nung ajemdaker football asaya yimya nung temelenshi tulu nungdakba aser tarutsü atema National Team set-up nung asayar tajungtem tesayuba tajung agüja anitetsü aser Blue Tigers (India football team) nung parnok nem sabang agütsütsü indang metetdaksa liasü. 2019 küm May ita nungi Stimac-i India indang head coach inyaka arudar," ta AIFF-i shisem.

Olivier Giroud AC Milan nung denogo



"Fan tem, team mate aser coach ajak aser club ajunga dang kü nem iba mapang tajung agütsüba atema kanga pelar," ta Giroud-i tweet asü.

"Ni temulung nung tepela agi sünger wadang tasen ka tenzüker. FA Cup, Europa League aser Champions League nung takoktem kecha dena medemdangtsü makok jangrademtsüka liasü," ta paise ashi. Giroud ya 2018 küm January ita Arsenal nungi GBP 18 million (USD 24.79 million) yong Chelsea-i aru aser Stamford Bridge nungi asayatsü atema tenangzüktepa yangluba küm ka anunga lir.

Germany nunger forwards Kai Havertz aser Timo Werner na club nung arua adenba sülen taoba season pa Chelsea nungi Premier League asaya nung tiben dang tetenzük nungi asaya liasü. Pa France indang Euro 2020 team nunga densema liasü, saka parnok last-16 nung Switzerland-i tsükdaksü.

Sky Sports-i sangdong ka ajanga, Giroud temang tendangtsü atema Hokolbarnü Milan indang La Madonnina clinic-i aruogo, ta metetdaksü.

June ita Milan-i Chelsea nungi Fikayo Tomori den teti atema tenangzüktepa ka yangluogo. Tomori ya loan nung 2020-21 season tesadang ka Milan nungi asayaa liasü.

Taoba season Milan tanabuba jenjang nung tembang aser 2021-22 league campaign August 22 nü Sampdoria nung oa asayaa tenzüksü.

Chiteni/July 20, 2021 (Agencies): France nunger international striker Olivier Giroud, Champions League winner Chelsea nungi Italian Serie A club AC Milan nung denogo, ta club anapronglai Deobarnü sangdonga liasü.

Milan-i pa alizükba taa indang osang mesera pa club nungi küm kwi asayatsü, iba indang osang tejangja magütsü, ajisiuaka British media sangdong balala ajanga asayar atema euro million ka (\$1.2 million) agütsütsü akok aser club den küm ana atema tenangzüktepa yanglutsü imlar, ta metetdaksü.

2018 küm Arsenal nungi arua adenba sülen Giroud-i Chelsea nungi tetoktepa ajak senteper asaya 119 nung shilem agi aser iba mapang pai goal 39 idaktsü. Paise, Champions League, Europa League aser FA Cup akokba nung Chelsea nem teyari agüja liasü.

Arishi küm 34 tain asayari club toktsür mao tsüingda Chelsea fan, asayar aser coach tem dang kanga pelaba lemsatepogo.

BILEMDANGANG

"Pei mapanga ta bilemer ajakbo tejembu."